

კვლევითი  
ინსტიტუტი  
Gnomon Wise




კავკასიის ეკონომიკის ყოველთვიური  
მიმოხილვა  
ივნისი 2024





## ეკონომიკური ზრდა



**2023 წელს კავკასიის ეკონომიკის ზრდა 4.4%-ია. 2022 წელს კავკასიის ზრდა 7.8%-ს აღწევდა. გასულ წელს ეკონომიკური ზრდის ტემპის კლება, რუსეთიდან ადამიანური და ფინანსური კაპიტალის ნაკადების შემცირებასა და, წინა წელთან შედარებით, ნავთობის დაბალ ფასებს უკავშირდება. მიმდინარე წლის იანვარ-აპრილში ზრდამ 7.3% შეადგინა.**


**+** გასულ წელს საქართველოს ეკონომიკა 7.5%-ით გაიზარდა. მიმდინარე წლის პირველ ოთხ თვეში ეკონომიკურმა ზრდამ 9% შეადგინა. ზრდაში მნიშვნელოვანი წვლილი მრეწველობის, ტელეკომუნიკაციების, ვაჭრობისა და ტრანსპორტის სექტორებმა შეიტანა. ხოლო, კლების ტენდენცია ენერჯეტიკის სექტორში დაფიქსირდა.

**🇧🇪** კავკასიის რეგიონში ზრდის ყველაზე მაღალი ტემპით სომხეთი გამოირჩევა. გასულ წელს სომხეთის ეკონომიკა 9.8%-ით გაიზარდა. 2024 წლის იანვარ-აპრილში, წინა წლის იმავე პერიოდთან შედარებით, ეკონომიკა 13.2%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 26.7%-ით მოიმატა, სამშენებლო დარგმა კი - 13.7% -ით.

**🇦🇲** რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წელს აზერბაიჯანის ეკონომიკა 1.1%-ით გაიზარდა. მიმდინარე წლის პირველ ოთხ თვეში ზრდამ 4.3% შეადგინა. აზერბაიჯანის ეკონომიკის 36.5%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 7.7% შეადგინა.



## ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი საქართველოში დაფიქსირდა.

✚ 2023 წელს საქართველოში ინფლაციის ტემპი, წინა წელთან შედარებით, შემცირდა. 2024 წლის მაისში სამომხმარებლო ფასების წლიურმა ზრდამ 2% შეადგინა. მაისის ინფლაციაში მაღალი წვლილი ტრანსპორტის ფასებმა შეიტანა, რომელიც 12.3% - ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, ტანსაცმლის ფასები ყველაზე მეტით, 3.8%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-მდე შეამცირა.

🇧🇪 რეგიონში ფასების დინამიკით სომხეთი გამოირჩევა. მიმდინარე წლის მაისში სამომხმარებლო ფასების წლიური ზრდა 0.3% იყო. ყველაზე მაღალი, 10%-იანი ზრდა ტრანსპორტის სექტორში დაფიქსირდა, ხოლო 2%-იანი კლება - სურსათის ფასებზე. ეს კი სამომხმარებლო ფასების ძირითადი ნაწილია. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 8.25%-მდე შემცირდა.

🇦🇲 აზერბაიჯანში ინფლაცია დასტაბილურდა. 2024 წლის მაისში სამომხმარებლო ფასების წლიურმა ზრდამ 0.3% შეადგინა. აპრილში ეს ნიშნული 0% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. მაისში მიღებული გადაწყვეტილებით, პოლიტიკის განაკვეთი 7.25%-მდე შემცირდა.